

Izjava OHR-a na konferenciji za medije međunarodnih organizacija

Izmjene Izbornog zakona mogle bi izazvati haos

Ukoliko budu usvojene izmjene i dopune Izbornog zakona o kojima se danas razgovara u Predstavničkom domu BiH stvorio bi se haos.

Ove izmjene i dopune bi ustvari ponovo stavile na snagu stari sistem registracije birača. Međutim, aktivnosti oko novog procesa pasivne registracije birača dobro napreduju. Članovi Parlamenta su glasali za prelazak na ovaj novi sistem tek u februaru ove godine i Centralna izborna komisija sada radi punom snagom na provedbi volje koju su parlamentarci izrazili, a registracija građana se već povećala za više od 10 posto upravo zbog toga.

Ako bi se u ovoj fazi vratilo na stari sistem postavilo bi se pitanje da li je moguće organizovati izbore bez problema. Ako bi se nevažeći dokumenti koristili kao važeći u svrhu registracije glasača tako što bi se građanima koji ne posjeduje ličnu kartu izdatu u okviru Projekta CIPS dozvolilo da glasaju, kao što se predlaže u amandmanima, to bi ugrozilo sam Izborni zakon i ustvari čitav koncept vladavine prava.

Da zaključim: ako bi se dozvolila upotreba nevažećih ličnih karata to bi stvorilo zbrku i moglo čak dovesti u pitanje i legalnost izbora.

OHR apelira na članove parlamenta da odbace ove izmjene i dopune koje mogu samo štetiti integritetu procesa registracije glasača.

Političari se trebaju više fokusirati na to da apeliraju na

sve glasače da se registruju do roka koji ističe 17. avgusta nego na izmjene i dopune Izbornog zakona samo dva mjeseca prije izbora.